

भूलूँ नाही एक घड़ी,  
मैं सांवरिया थाने ।

दोहा जगत जननी माँ शारदे,  
मुझ दिन पर दृष्टि धरो,  
विद्या खजाना खोल के,  
मैया कंठ के भीतर धरो ।

भूलूँ नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

नर नारी को भयोजी संजोग,  
कमल बीच बूंद पड़ी,  
नौ महीना रियो गर्भवास,  
थने बाहर आया भूल पड़ी,  
भूलू नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

अब होगयो होगयो जोध जवान,  
माथा पर मेली पागड़ी,  
गणों दियो रे मुच्या ताव,  
छाया ने नरखी घणी रे घणी,  
भूलू नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

डगमग हालन लागी नाड़,  
आख्या में छाई आंधडली,  
थारी पोल्या महीने ढाली थारी खाट,  
जमड़ा री फौजा बाहर खड़ी,  
भूलू नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

झूठा थारा मायड़ बाप,  
झूठी या थारी बेनडली,  
झूठी थारा घर की या नार,  
जो मरता ही दूर खड़ी,  
भूलू नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,

या काया मारी केद पड़ी ॥

बित्या थारा दिनडा ही चार,  
कंचन काया धरण पड़ी,  
साची साची कह गया कबीर,  
थने मरया फाचे खबर पड़ी,  
भूलू नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

भूलूँ नाही एक घड़ी,  
मैं सांवरिया थाने,  
भूलू नाही एक घड़ी,  
ओ मारो जन्म सुधारो दीनानाथ,  
या काया मारी केद पड़ी ॥

स्वर किशन सोनगर  
प्रेषक वीनू सोनगर  
बालाजी संगीत ग्रुप सोनगर  
7023805071

Source:

<https://www.bharattemples.com/bhulu-nahi-ek-ghadi-main-sawariya-thane/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>